



Hans Enoksen
Inatsisartunut ilaasortaq
Inatsisartut
/MAANI

§ 37 nr. 2015-095-imut akissut

Inatsisartut Suleriaasianni § 37, imm. 1. naapertorlugu aalisarnermut tunngasunik Naalakkersuisunut apeqquteqarputit. Apeqqutit uannut akineqartussanngortinneqarsimapput.

21-04-2015
Suliap normua. 2015-113733
All. nr. 1940168

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Sinerissami raajarniartut pisassaasa amerlineqarsinnaanerat eqqarsaatigalugu Naalakkersuisut qanoq iliuseqarniarpat?
2. Misileraasoqassappat sumiiffinni raajarniarfusinnaasuni assigiinngitsuni pilersaaruteqartoqarpa?
3. Aammalu misileraasoqassappat qanoq annertutigisunik pisassiisoqarniarpa?
4. Kujataani, Kitaani Avannaanilu immikkoortillugit misileraasoqassappat qanoq annertutigisumik pisassinneqassappat?
5. Kiisalu raajarniarsinnaasunik angallatillit raajarniarnissamut akuersissutaateqanngitsut sinerissami najugallit misileraasoqassappat ilaatinniarneqarpat?

Akissutit:

Pillugu 1)

Ukiut tamaasa kitaani raajarniarnissamut ataatsimut pisassiisoqartarpoq, soorlu Tunumi annikinnerusunik pisassiisoqartarpoq. Kitaani pisassiissutinik aalajangersaanermi Ingerlatsinissamik pilersaarut kitaani raajat pisarineqartut MSC-mik meqqilersorneqartalerkata atuuksinneqalersoq malinneqartarpoq.

2015-imut kitaani pisassiissutigineqartut tamakkerlutik 73.000 tonsiupput, taakkunannga 57 %-it avataasiiorluni aalisarnissamut akuersissutaapput 43 %-illi sinerissamut qanittumi aalisarnissamut akuersissutaallutik. 2015-imut pisassiissutit 2014-imi pisassiissutinik 14,1 %-imik annikinnerupput. MSC-mik meqqilersuineq atuuksinnarniarlugu ikililerineq pisariaqarpoq, tassa biologit siunnersuutigimmassuk 2015-imut 60.000 tonsinik pisaqartoqarnissaa innersuussutigineqassasoq. Aalisarnermut Siunnersuisoqatigiit ataatsimoorlutik pisassiissutit aalajangiunneqartut tapersorsorpaat, tamannali ilutigalugu MSC-mik meqqilersuinerup atuuksinnarneqarnissaa aamma tapersorsorlugu.

Pisassat pillugit siunnersuut taama isikkoqartillugu Naalakkersuisut maanna pilersaaruteqanngillat raajarniarnermi TAC tamakkiisoq allangortissallugu.

Pillugu 2)

Aalisarnermut Piniarnermut Nunalerinermullu Naalakkersuisoqarfik Kalaallit Nunatta Kitaata avannaani misissoqqilerpaat misileraasimaneq ukioq kingulleq assigalugu

maanna aalisarfigineqarneq ajortuni ilaatigullu aamma Kalaallit Nunatta kitaani kangerluit ilaanni. Matumani misileraanerit MSC-imut meqqilersuinermut ajoqutaanngippata aamma ukioq manna Naalakkersuisut misileraaqqinnissamut ingerlatsiniarput.

Pillugu 3)

Apeqqummut 2-mut akissut innersuussutigineqarpoq.

Pillugu 4)

Apeqqummut 1-imut aamma 2-mut akissutit innersuussutigineqarput.

Pillugu 5)

Naamik. Misileraalluni raajarniarqassappat raajarniarneq aalisartunik raajarniarnissamut akuersissuteqareersunit ingerlanneqassaaq.

Inussiarnersumik inuulluaqqusillunga

Karl-Kristian Kruse